



L I C E N S A

ZA OBAVLJANJE DJELATNOSTI
PRIJENOSA ELEKTRIČNE ENERGIJE

Л И Ц Е Н Ц А

ЗА ОБАВЉАЊЕ ДЈЕЛАТНОСТИ
ПРЕНОСА ЕЛЕКТРИЧНЕ ЕНЕРГИЈЕ

Registarski broj licence Регистарски број лиценце	05-28-12-341-20/12
Datum izdavanja licence Датум издавања лиценце	17.1.2013.
Naziv vlasnika licence Назив власника лиценце	“Elektroprijenos Bosne i Hercegovine” акционарско друштво Бања Лука “Електропренос Босне и Херцеговине” акционарско друштво Бања Лука
Adresa vlasnika licence Адреса власника лиценце	Banja Luka, Marije Bursać 7a Бања Лука, Марије Бурсаћ 7а
Porezni broj vlasnika licence Порески број власника лиценце	402369530009
Period važenja licence Период важења лиценце	1.2.2013. - 31.1.2023.

Predsjedavajući Komisije/Predsjedatelj Komisije/Предсједavajuћи Комисије

Milorad Tuševljak/Милорад Тушевљак

Članovi Komisije/Чланови Комисије

Nikola Rejić/Никола Пејић

Mirsad Salkić/Мирсад Салкић



UVJETI ZA KORIŠTENJE LICENCE ZA OBAVLJANJE DJELATNOSTI PRIJENOSA ELEKTRIČNE ENERGIJE

Registracijski broj licence: 05-28-12-341-20/12

Naziv vlasnika licence: “Elektroprijenos Bosne i Hercegovine” akcionarsko društvo
Banja Luka

1. Opće odredbe

1.1. Ova licenca se izdaje u skladu sa Pravilnikom o licencama (“Službeni glasnik BiH”, broj 38/05), a na osnovu zahtjeva broj 05-28-12-341/12 od 26. septembra 2012. godine podnietog od strane “Elektroprijenosa Bosne i Hercegovine” akcionarsko društvo Banja Luka.

1.2. Licenca se izdaje za period od 1. februara 2013. godine do 31. januara 2023. godine.

2. Obavljanje licenckoncane aktivnosti

2.1. Vlasnik licence je ovlašten da obavlja licenciranu djelatnost poštujući odredbe Zakona o prijenosu, regulatoru i operatoru sistema električne energije u Bosni i Hercegovini (“Službeni glasnik BiH”, br. 7/02, 13/03, 76/09 i 1/11), Zakona o osnivanju Kompanije za prijenos električne energije u Bosni i Hercegovini (“Službeni glasnik BiH”, br. 35/04 i 76/09, u daljem tekstu: Zakon o osnivanju Kompanije za prijenos), kao i aktivnosti definirane u licenci. Ovo pravo se isključivo dodjeljuje vlasniku licence.

2.2. Vlasnik licence obavlja djelatnost prijenosa i aktivnosti vezanih za prijenos električne energije koristeći objekte date u prilogu ovih uvjeta (Prilog 1 – Tabelarni prikaz objekata vlasnika licence u funkciji obavljanja licencirane djelatnosti). Prijenos električne energije i aktivnosti vezane za prijenos električne energije izuzetno se vrše i na objektima koji nisu u vlasništvu vlasnika licence (Prilog 2 – Tabelarni prikaz objekata koji nisu u vlasništvu vlasnika licence, a koji su neophodni za obavljanje licencirane djelatnosti).

Vlasnik licence će u posebnom prilogu evidentirati prijenosne objekte koji nisu u njegovom vlasništvu i nisu u funkciji prijenosa električne energije u BiH (Prilog 3 – Tabelarni prikaz dalekovoda koji nisu u vlasništvu vlasnika licence i nisu u funkciji prijenosa električne energije u Bosni i Hercegovini).

2.3. Bez izričitog odobrenja Državne regulatorne komisije za električnu energiju (DERK), vlasniku licence je zabranjeno da obavlja aktivnosti proizvodnje, isporuke, trgovine ili distribucije električne energije, ili bilo kojih djelatnosti koje su van djelokruga prijenosa ili djelatnosti vezanih za prijenos, u skladu sa Zakonom o osnivanju Kompanije za prijenos.

2.4. Obaveze definirane u licenci ne umanjuju obaveze vlasnika licence definirane zakonom.

3. Obaveze i prava vlasnika licence

- 3.1. Vlasnik licence je dužan u toku korištenja licence da permanentno ispunjava opće i specifične uvjete utvrđene Pravilnikom o licencama na osnovu kojih mu je licenca izdata i podnositi DERK-u o tome odgovarajuće dokaze.
- 3.2. Vlasnik licence je dužan da redovno ili po zahtjevu DERK-a, dostavlja DERK-u finansijske i ostale izvještaje u formi i obimu definiranom ovom licencom ili zahtjevom DERK-a.
- 3.3. Vlasnik licence je dužan da vodi računovodstvene knjige i priprema finansijske izvještaje u skladu sa računovodstvenim standardima koji važe u Bosni i Hercegovini, kao i u skladu sa pravilima koje propiše DERK.
- 3.4. Vlasnik licence je dužan da provodi sve domaće, regionalne i međunarodne propise koji se odnose na prijenos električne energije, kako sa tehničkog tako i sa komercijalnog aspekta i prati dešavanja u Energetskoj zajednici. Prije usklađivanja poslovanja sa promjenom domaćih, regionalnih ili međunarodnih komercijalnih ili tehničkih zahtjeva vezanih za prijenos električne energije, vlasnik licence mora obavijestiti DERK o tim promjenama i dobiti njegovo odobrenje.
- 3.5. Vlasnik licence je obavezan da primjenjuje propise da bi uskladio tehnički rad prijenosne mreže sa zahtjevima i standardima ENTSO-E (Udruženje evropskih operatora prijenosnog sistema).
- 3.6. Vlasnik licence je dužan da poštuje važeće propise vezane za kvalitet usluga, kao i propise iz ove oblasti koje donese DERK.
- 3.7. Vlasnik licence će aktivno učestvovati u Tehničkom komitetu koga osniva NOS BiH, kao i njegovim radnim grupama, koje će raditi na utvrđivanju prijedloga izmjena i dopuna tehničkih standarda, Mrežnog kodeksa i Tržišnih pravila, u skladu sa općim uvjetima Mrežnog kodeksa i Tržišnih pravila.
- 3.8. Vlasnik licence je dužan da obavlja svoje prijenosne djelatnosti i djelatnosti vezane za prijenos u punom skladu sa tehničkim standardima NOS-a BiH, operativnim planiranjem, uputstvima za dispečiranje, planom održavanja, planovima proširenja mreže, te da poštuje Tržišna pravila i Mrežni kodeks.
- 3.9. Vlasniku licence nije dozvoljeno da provodi bilo kakve antikonkurentne aktivnosti, zloupotrebljava svoj položaj ili manipulira tržištem električne energije.
- 3.10. Vlasnik licence je dužan da se prema učesnicima na tržištu odnosi na fer i nediskriminirajući način.
- 3.11. Vlasnik licence će imenovati predstavnike u Tehnički komitet i radne grupe (tehničke komisije) u skladu sa Mrežnim kodeksom, Tržišnim pravilima i Pravilnikom o radu tehničke komisije, a koji se imenuju u cilju izmjena Mrežnog kodeksa i Tržišnih pravila.
- 3.12. Vlasnik licence je dužan da se pridržava odluka NOS-a BiH kada se, u skladu sa zakonom i licencom NOS-a BiH, pod vanrednim okolnostima koje zahtijevaju preduzimanje hitnih koraka, mijenja Mrežni kodeks ili Tržišna pravila.
- 3.13. Vlasnik licence je dužan da poštuje mjere koje propiše DERK ili Ministarstvo vanjske trgovine i ekonomskih odnosa Bosne i Hercegovine u slučaju prirodne katastrofe ili druge situacije sa posljedicama po opću sigurnost.
- 3.14. Vlasnik licence je dužan da poštuje sve odredbe važećih međunarodnih sporazuma i ugovora čiji je potpisnik Bosna i Hercegovina, a odnose se na

prijenos električne energije, uključujući, ali ne ograničavajući se na, važeća pravila koja se odnose na prekograničnu trgovinu električnom energijom.

- 3.15. Vlasnik licence je dužan da omogući ravnopravan pristup elektroprijenosnoj mreži za sve snabdjevače električnom energijom koji imaju fizički pristup sistemu i da poštuje važeća pravila za pristup sistemu.
- 3.16. Vlasnik licence je dužan poštivati važeće tarife i poštivati Pravilnik o tarifnom postupku (“Službeni glasnik BiH”, broj 44/05) i Metodologiju za izradu tarifa za usluge prijenosa električne energije, nezavisnog operatora sistema i pomoćne usluge – Prečišćeni tekst (“Službeni glasnik BiH”, broj 93/11).
- 3.17. Vlasnik licence je dužan poštivati sve važeće tehničke standarde i komercijalne kodekse.
- 3.18. Vlasnik licence se može baviti prijenosom i djelatnostima vezanim za prijenos u susjednim elektroenergetskim sistemima, pod uvjetom da su te djelatnosti direktno vezane za poboljšanje djelatnosti prijenosa i svih drugih djelatnosti vezanih za prijenos u Bosni i Hercegovini i susjednim elektroenergetskim sistemima. Vlasnik licence je dužan da o svim aktivnostima koje provodi u susjednim elektroenergetskim sistemima obavijesti DERK. Ovo obavještenje mora da sadrži obrazloženje opravdanosti angažiranja u susjednim elektroenergetskim sistemima.
- 3.19. Vlasnik licence je dužan da vodi posebne račune za djelatnost prijenosa od drugih djelatnosti na način i u obimu specificiranom ovom licencom ili pravilima koje propiše DERK.
- 3.20. Vlasnik licence ne smije da vrši izmjene u mreži takve prirode koje utječu na kompatibilnost mreže sa proizvođačima, distributivnim i susjednim mrežama, kao i postrojenjima u vlasništvu trećih lica, na način da ugrožava opću sigurnost i sigurnost snabdijevanja.
- 3.21. Vlasnik licence je dužan da u skladu sa Mrežnim kodeksom rukovodi, održava (uključujući popravke i zamjene ako je potrebno) i štiti svoju mrežu kako bi obezbjedio pouzdan i siguran prijenos električne energije, vodeći pri tom računa i o principu ekonomičnosti i produktivnosti u radu.
- 3.22. Vlasnik licence je dužan da planira proširenje i razvoj sistema da bi se zadovoljile potrebe potrošača, pri čemu treba da usklađuje planiranje razvoja svoje mreže sa drugim mrežama i susjednim sistemima.
- 3.23. Vlasnik licence svake godine izrađuje dugoročni plan razvoja prijenosne mreže za period od 10 godina, koji obuhvata i problematiku novih prekograničnih vodova. Ovaj plan se dostavlja NOS-u BiH na pregled, odobrenje i direktnu reviziju. Plan revidiran od strane NOS-a BiH dostavlja se DERK-u na odobrenje, a nakon odobrenja DERK-a objavljuje ga NOS BiH. Indikativni plan razvoja proizvodnje koristi se kao jedna od osnova za izradu dugoročnog plana razvoja prijenosne mreže.
- 3.24. Vlasnik licence je dužan da na osnovu dugoročnog plana razvoja prijenosne mreže izradi godišnji investicijski plan i dostavi ga DERK-u na odobrenje do kraja novembra za narednu godinu.
- 3.25. Vlasnik licence je dužan da postrojenja i vodove projektuje, gradi i koristi tako da efekat njihovog korištenja ne ugrožava zdravlje stanovništva odnosno područja, i

- koji će u najmanjoj mogućoj mjeri promijeniti prirodno okruženje i vrijednost pejzaža.
- 3.26. Vlasnik licence je dužan poštivati pravila ili standarde vezane za zonu bezbjednosti, koja će se uspostaviti u cilju zaštite objekata i opreme elektroprijenosa, te zaštite stanovništva.
 - 3.27. Vlasnik licence ne smije prestati obavljati ili izmijeniti licenciranu aktivnost ili bilo koje prijenosno sredstvo bez prethodnog odobrenja DERK-a.
 - 3.28. Vlasnik licence je dužan da do kraja februara podnese zahtjev za ažuriranje priloga ove licence sa stanjem na dan 31. decembra prethodne godine, ukoliko je došlo do izmjene njihovog sadržaja. Uz zahtjev za ažuriranje prilaže se upotrebna dozvola sa pratećom dokumentacijom, kao i ažurirana mapa elektroenergetskog sistema. O svim izmjenama vlasnik licence obavještava DERK i u vrijeme nastanka izmjene.
 - 3.29. Vlasnik licence je dužan na svojoj internet stranici omogućiti pristup svim relevantnim podacima koji se odnose na njegovu djelatnost, a koje su potrebne učesnicima na tržištu ili su od javnog interesa.
4. Nadgledanje obavljanja licencirane djelatnosti
 - 4.1. DERK nadgleda obavljanje licencirane djelatnosti.
 - 4.2. Tokom perioda važenja licence, vlasnik licence je dužan dostavljati DERK-u izvještaje navedene u ovim uvjetima, na način predviđen tačkom 3.2. ovih uvjeta.
 - 4.3. DERK nadgleda sve aspekte usklađenosti djelovanja vlasnika licence sa uvjetima licence, kao i svim odredbama relevantnih zakona i propisa DERK-a.
 - 4.4. DERK može pokrenuti hitan postupak u cilju reagovanja na osnovanu sumnju o povredi obaveza iz licence, na svoju inicijativu ili kao odgovor na zahtjev bilo kojeg lica.
 - 4.5. DERK vrši najavljene i nenajavljene preglede objekata i dokumenata vezanih za licencirane aktivnosti. DERK ima pravo pristupa objektima vlasnika licence, ili objektima kojima upravlja vlasnik licence, prostorijama vlasnika licence, njegovoj opremi, dokumentima, poslovnim knjigama i arhivi kako bi izvršio pregled licencirane aktivnosti. Vlasnik licence DERK-u pruža svaki vid pomoći zatražen u toku pregleda.
 - 4.6. Vlasnik licence obavještava DERK o svakoj povredi uvjeta za korištenje licence u roku od 7 dana od saznanja vlasnika licence da je došlo do povrede.
 5. Dostavljanje podataka i izvještaja
 - 5.1. Vlasnik licence dostavlja izvještaje DERK-u na način kako je definirano u ovom poglavlju, kao i izvještaje po posebnom zahtjevu DERK-a, na način i u formi koju propiše DERK.
 - 5.2. U roku od 90 dana po isteku fiskalne godine, vlasnik licence će dostaviti svoj godišnji izvještaj o poslovanju za tu fiskalnu godinu. Revidovani finansijski izvještaj će se dostaviti u roku od 180 dana po isteku fiskalne godine.
 - 5.3. Vlasnik licence dostavlja DERK-u godišnji izvještaj o ličnim interesima članova Upravnog odbora Kompanije u bilo kojoj drugoj instituciji, bilo da su vlasnici ili nosioci određene funkcije ili imaju neki drugi lični interes, bez obzira da li ih ovi interesi mogu dovesti ili ne u sukob sa interesima Kompanije, u skladu sa članom

34. Zakona o osnivanju Kompanije za prijenos, do kraja januara za prethodnu godinu.
- 5.4. Vlasnik licence priprema i dostavlja DERK-u mjesečni izvještaj o radu koji između ostalog sadrži izvještaj o realizaciji plana održavanja, izvještaj o realizaciji plana investicija i izvještaj o vanrednim pogonskim događajima, kao i izvještaj o pogonskoj spremnosti objekata za naredni mjesec.
- 5.5. Vlasnik licence priprema i dostavlja DERK-u godišnji izvještaj o radu do kraja februara za prethodnu godinu. U godišnjem izvještaju su sumirani mjesečni izvještaji i dat osvrt na rad prijenosne mreže u prethodnoj godini.
6. Obnavljanje, izmjena, suspenzija ili ukidanje licence
 - 6.1. Vlasnik licence je dužan podnijeti zahtjev za obnavljanje licence u skladu sa rokom definiranim u Pravilniku o licencama.
 - 6.2. Tokom perioda važenja licence, na zahtjev vlasnika licence ili na osnovu inicijative DERK-a, moguće je otvoriti proces redefiniiranja licence kako bi se uskladili uvjeti licence zbog značajnijih promjena u zakonu ili činjeničnim okolnostima.
 - 6.3. Suspenzija ili ukidanje licence se obavlja pod uvjetima, u slučajevima i na način određen Pravilnikom o licencama.
7. Regulatorna naknada
 - 7.1. Vlasnik licence je dužan da u periodu važenja licence plaća regulatornu naknadu u skladu sa odlukama DERK-a.
 - 7.2. Vlasnik licence ima pravo da uračuna regulatornu naknadu u okviru svoje tarife koju odobrava DERK.
8. Sankcije
 - 8.1. Ukoliko se vlasnik licence ne pridržava uvjeta iz licence ili zakona, primijenit će se kaznene odredbe predviđene zakonom.
 - 8.2. DERK može da vlasniku licence dostavi administrativno obavještenje o povredi i pozvati ga na administrativno poravnanje povodom povrede licence od strane vlasnika iste, prije nego što se primijene kaznene odredbe.
 - 8.3. Prije primjene mjere iz tačke 8.2, u slučajevima kada to okolnosti dozvoljavaju, DERK će pismeno opomenuti vlasnika licence i odrediti rokove za otklanjanje nedostataka.
 - 8.4. DERK prilikom sankcioniranja može koristiti mogućnost suspenzije ili ukidanja licence u skladu sa Pravilnikom o licencama.
9. Rješavanje sporova
 - 9.1. Rješavanje sporova pokrenutih od strane trećih lica vezanih za provođenje uvjeta licence se vrši u skladu sa Poslovnikom o radu DERK-a (“Službeni glasnik BiH”, broj 2/05) i Pravilnikom o javnim raspravama (“Službeni glasnik BiH”, broj 38/05) ili na drugi odgovarajući način koji je u skladu sa pravilima DERK-a.
 - 9.2. Ako je nezadovoljan odlukom DERK-a, vlasnik licence može podnijeti tužbu na odluku DERK-a Sudu Bosne i Hercegovine.

- 9.3. U slučaju podnošenja tužbe sudu, odluke DERK-a ostaju na snazi do okončanja postupka.
10. Odredbe o obavještavanju
- 10.1. Adresa vlasnika licence koja se koristi u svrhu dostavljanja obavještenja je: “Elektroprijenos Bosne i Hercegovine” a.d. Banja Luka, ul. Marije Bursać broj 7a, Banja Luka.
- 10.2. Vlasnik licence može promijeniti svoju adresu koja se koristi u svrhu dostavljanja obavještenja, ali o tome mora unaprijed obavijestiti DERK. Za izmjenu adrese koja se koristi u svrhu dostavljanja obavještenja nije potrebno vršiti izmjenu licence.
11. Prijelazne i završne odredbe
- 11.1. Izdavanjem ove licence prestaje da važi licenca broj: 05-28-323-16/06.
12. Prilozi
- 12.1. Sastavni dio licence su:
- Prilog 1 – Tabelarni prikaz objekata vlasnika licence u funkciji obavljanja licencirane djelatnosti (dalekovodi, trafostanice i rasklopna postrojenja),
 - Prilog 2 – Tabelarni prikaz objekata koji nisu u vlasništvu vlasnika licence, a koji su neophodni za obavljanje licencirane djelatnosti, i
 - Prilog 3 – Tabelarni prikaz dalekovoda koji nisu u vlasništvu vlasnika licence i nisu u funkciji prijenosa električne energije u Bosni i Hercegovini.